

四庫全書

集部

欽定四庫全書

萬首唐人絕句卷四十八

宋 洪邁 編

七言

游嘉州後溪

薛能

山屐經過滿逕蹤
隔溪遙見夕陽春
當時諸葛成何事
只合終身作卧龍

自諷

欽定四庫全書

萬首唐人絕句
卷四十八

千題萬詠過三旬忘食貪魔作瘦人行處便吟君莫笑
就中詩病不任春

監郡捷為將歸使府登樓寓題

幾日監臨向蜀春錯拋歌酒強憂人江樓一望西歸去
不負嘉州只負身

過象耳山二首

一色青松幾萬栽異香薰路帶花開山門欲別心潛願
更到蜀中還到來

到處逢山便欲登，自教身作住來僧。
徒行至此三千里，不是有緣應不能。

聖燈

莽莽空中稍稍燈，坐看迷濁變清澄。
須知火盡煙無益，一夜欄邊說向僧。

過昌利觀

萬仞雲峯八石泉，李君仙後更誰仙。
我來駐馬人何問，老朽無多不種田。

蜀路

劍閣緣雲拂斗魁
疾風生樹過龍媒
前程憩罷知無益
但是驚蹄亦到來

山下偶作

零雨霑山百草香
樹梢山頂盡斜陽
橫流巨石皆堪住
何事無僧有石房

伏牛山

虎蹲峯狀屈名牛
落日連村好望秋
不為時危耕不得

一犁風雨使歸休

老圃堂

邵平瓜地接吾廬
穀雨乾時偶自鋤
昨日春風欺不在
就牀吹落讀殘書

春題

柳莫搖搖花莫開
此心因病亦成灰
人生只有家園樂
及取春農歸去來

井州寓懷

人多知遇獨難求人
員知音獨愛酬常恐此心無樂處
枉稱年少在并州

中秋旅舍

雲卷庭虛月逗空
一方秋草盡鳴蟲
是時兄弟正南北
黃葉滿階來去風

符亭二首

以飛瀑結茅
雖小甚勝

符亭之地雅離羣
萬古懸泉一旦新
若念農桑也如此
縣人應得似行人

山如巫峽煙雲好路似嘉祥水木清大抵游人總應愛
就中難說是詩情

秋夜聽琴

十指宮商膝上秋七條絲動雨脩脩空堂半夜孤燈冷
彈着鄉心欲白頭

留別闕東舊遊

我去君留十載中未曾相見及花紅他時住得君應老
長短看花心不同

贈出塞客

出郊征騎逐飛埃
此別未愁春未回
寒葉夕陽投宿意
蘆關門向遠河開

秋溪獨坐

黃葉分飛砧上下
白雲零落馬東西
人生萬意此端坐
日暮水聲流出溪

蒲中霽後晚望

河邊霽色無人見
身帶春風立岸頭
濁水茫茫有何意

日斜還向古蒲州

宋氏林亭

地濕莎青雨後天
桃花紅近竹林邊
行人本是農桑客
記得春深欲種田

雲花寺寓居贈海岸上

暫寄空門未是歸
上方林榭獨儒衣
吾師不語應相怪
頻惹街塵入寺飛

關中秋夕

簾濕秋庭岳在煙
露光明滑竹蒼然
何人意緒還相似
鶴宿松枝月半天

西縣道中短亭二首

風涼津濕共微微
隔岸泉衝石竅飛
爭得巨靈從野性
舊鄉無此孽將歸

一瀑三峯赤日天
路人才見便翛然
誰能夜向山根宿
涼月初生的有仙

省試夜

白蓮千朶照廊明
一片承平雅頌聲
更報第三條燭盡
文昌風景畫難成

過驪山

丹腹蒼蒼簇背山
路塵應滿舊簾間
玄宗不是偏行樂
只為當時四海閒

曲江醉題

閒身行止屬年華
馬上懷中盡落花
狂徧曲江還醉卧
覺來人靜日西斜

參軍廳新池

簾外無塵勝物外
墻根有竹似山根
流泉不至客來久
坐見新池落舊痕

太原使院晚出

青門無路入清朝
濫作將軍最下僚
同舍盡歸身獨在
晚風開印葉蕭蕭

寒食日曲江

曲水池邊青草岸
春風林下落花盃
都門此日是寒食

人去看多身獨來

盤屋官舍新竹

心覺清涼體似吹
滿風輕撼葉垂垂
無端種在幽閒地
衆鳥嫌寒鳳未知

京中客舍聞箏

十二絃共五音
每聲如截遠人心
當時向秀聞鄰笛
不是離家歲月深

銅雀臺

魏帝當時銅雀臺黃花深映棘叢開
人生富貴須回首此地豈無歌舞來

壽安水館

地接山林兼有石天懸星月更無雲
鷺鷥上樹滿池水澆灑一聲中夜聞

雨後早發永寧

春霖朝罷客西東馬足泥聲路未通
獨愛千峯最高處一峯初日白雲中

宿仙遊寺望月生峯

公門身入洞門行
出竄離籠似有情
僧語夜涼雲樹黑
月生峯上月初生

秋題

獨坐東南見曉星
白雲微透泐寥清
磷磷秋石堪僧坐
一葉梧桐落半庭

和友人寄懷

從來行樂近來希
遽瑗知言與我違
自是衰心不如舊

非闕四十九年非

子夜

嫖姚家宴敵吳王子夜歌聲滿畫堂此日相逢眉翠盡
女真行李乞齋糧

鴈

肅肅雍雍義有餘九天鸞鳳莫相踈唯應靜向山窻過
激發英雄夜讀書

和府帥相公

竹映高牆似傍山
鄒陽歸後令威還
君看將相才多少
兩首詩成七步間

又和留山雞

五色文勝百鳥王
相思兼絕寄芸香
由來不是池中物
雞樹歸時即取將

舟中酬楊中丞春早見寄

錦樓春望憶丹楹
更過高情說早鶯
江上境寒吟不得
濕風梅雨滿船輕

寒食日題

美人寒食事春風折盡青青賞盡紅
夜半無燈還有睡
鞦韆懸在月明中

杏花

活色生香第一流
手中移得近青樓
誰知豔性終相負
亂向春風笑不休

黃蜀葵

嬌黃新嫩欲題詩
畫日含毫有所思
記得玉人初病起

道家裝束廠穰時

春詠

春來還似去年時
手把花枝唱竹枝
狂瘦未曾食有味
不緣中酒却緣詩

贈歡娘

七歲善吹笙

一束龍吟細竹枝
青娥擎在手中吹
當初縱使雙成在
不得如伊是小時

戲瞻相

欽定四庫全書

萬首唐人絕句
卷四十八

失意蹉跎到舊遊
見吹楊柳便遮羞
瞻相趙女休相拽
不及人前詐擺頭

贈解詩歌人

同有詩情自合親
不須歌調更含嗔
朝天御史非韓壽
莫竊香來帶累人

贈韋氏歌人二首

絃管聲凝發唱高
幾人心地暗傷刀
思量更有何堪比

王母新開一樹桃

一曲新聲慘畫堂可能心事憶周郎
來為客頻開口
綻盡桃花幾許香

加階

二年中散似嵇康此日無功換寵光
唯有一般酬聖主
勝於東晉是文章

野園

野園無鼓又無旗
鞍馬傳杯用柳枝
嬌養翠娥無怕懼
挿人頭上任風吹

郊亭

郊亭宴罷欲回車，滿郭傳呼調角初。
尚擁笙歌歸未得，笑娥扶着醉尚書。

老僧

清瘦形容八十餘，瓠懸籬落似村居。
勸師莫羨人間有，幸是元無免破除。

僧憲

不悟時機滯有餘，近來為事更乖疎。
朱輪皂蓋蹉跎盡。

猶愛明窓好讀書

題平等院

十里城中一院僧，各持巾鉢事南能。
還應笑我功名客，未解嫌官學大乘。

影燈夜二首

偃王燈塔古徐州，二十年來樂事休。
此日將軍心似海，四更身領萬人遊。

十萬軍城百萬燈，酥油香暖夜如蒸。
紅粧滿地煙光好。

只恐笙歌引上昇

許州旌節到作

兩地旌旗擁一身半緣傷舊半榮新
州人若憶將軍面
寫取雕堂報國真

重遊通波亭

十年拋擲故園花最憶紅桃竹外斜
此日郊亭心乍喜
敗榆芳草似還家

戲舸

遠舸衝開一路萍
岸傍偷上小茅亭
遊人莫覓盃盤分
此地纔應聚德星

偶題

到處吟兼上馬吟
總無愁恨自傷心
無端夢得鈞天樂
盡覺宮商不是音

折楊柳十首

華清高樹出離宮
南陌柔條帶暖風
誰見輕陰是良夜
瀑泉聲畔月明中

洛橋晴影覆江船
羌笛秋聲濕塞煙
閒想習池公宴罷
水蒲風絮夕陽天

嫩綠輕懸似綴旒
路人遙見隔宮樓
誰能更近丹墀種
解插皇風入九州

暖風晴日斷浮埃
廢路新條發釣臺
處處輕陰可惆悵
後人攀處古人栽

潭上江邊嫋嫋垂
日高風靜絮相隨
青樓一樹無人見
正是女郎眠覺時

汴水高懸百萬條，風清兩岸一時搖。
隋家力盡虛栽得，無限春風屬聖朝。

和風烟樹九重城，夾路春陰十萬營。
唯向邊頭不堪望，一株顛顛少人行。

意外齊垂旭日初，樓邊輕暖好風徐。
游人莫道栽無益，桃李清陰却不如。

衆木猶寒獨早春，御溝橋畔曲江亭。
陶家舊日應如此，一院青條綠遶廳。

帳偃纓垂細復繁令人心想石家園風條月影皆堪重
何事侯門愛樹萱

柳枝四首

數首新詩帶恨成柳絲牽我我傷情柔娥幸有腰支穩
試踏吹聲作唱聲

高出軍營遠映橋賊兵曾斫火曾燒風流性在終難改
依舊春來萬萬條

縣依陶令想嫌迂營伴將軍即大鹿廳此日與君除萬恨

數篇風調更應無

狂似纖腰嫩勝綿自多情態竟誰憐遊人不折還堪恨
拋向橋邊與路邊

柳枝詞五首

朝陽晴照綠楊煙一別通波十七年應有舊枝無處覓
萬株風裏卓旌旃

晴垂芳態吐牙新雨擺輕條濕面春別存出牆高數尺
不知搖動是何人

暖梳簪朶事登樓因挂垂楊立地愁牽斷綠絲攀不及
半空懸着玉搔頭

西園高樹後庭根處處尋芳有折痕終憶舊游桃葉舍
一珠斜映竹籬門

劉白蘇臺總近時當初章句是誰推纖腰舞盡春楊柳
未有農家一首詩

吳姬十首

夜鎖重門畫亦監眼波嬌利瘦巖巖偏憐不怕傍人笑

自把春羅等舞衫

龍麝薰多骨亦香因經寒食好風光何人畫得天生態
枕破施朱隔宿粧

滴滴春霖透荔枝筆題牋動手中垂天陰不得君王召
嘖着青蛾作小詩

鈿合重盛繡結深昭陽初幸賜同心君知一夜恩多少
明日宣教放德音

退紅香汗濕輕紗高捲蚊厨獨卧斜嬌淚半垂珠不破

恨君瞋折後庭花

取次衣裳盡帶珠
別添龍腦裏羅襦
年來寄與鄉中伴
殺盡春蠶稅亦無

畫燭燒蘭暖復迷
殿帷深密下銀泥
開門欲作侵晨散
已是明朝日向西

樓臺重疊滿天雲
殷殷鳴鼉世上聞
此日楊花初似雪
女兒絃管弄參軍

冠剪黃綃被紫羅
薄施鈿粉畫青娥
因將素手誇纖巧

從此椒房寵更多

身是三千第一名
內家叢裏獨分明
芙蓉殿上中元日
水拍銀臺弄化生

題于公花園

含桃莊主後園深
繁實初成靜掃陰
若使明年花可待
應須惱破事花心

登城

偶作閒身上古城
路人遙望不相驚
無端將使逡巡至

又作都頭一隊行

好客

好客連宵在醉鄉蠟煙紅暖勝春光誰人肯信山僧語
寒雨唯煎治氣湯

贈普恭禪師

一日迢迢每一食我心難伏我無難南簷十月繩牀暖
背卷真經向日看

贈無表禪師

笠戴圓陰楚地樓
簷敲清響蜀山銅
秋來說偈寅朝殿
爽爽楊枝滿手風

萬首唐人絕句卷四十八

欽定四庫全書

萬首唐人絕句卷四十九

宋 洪邁 編

七言

蠶婦

來鵠

又作
來鵬

曉夕采桑多苦辛
好花時節不閒身
若教解愛繁華事
凍殺黃金屋裏人

題廬山雙劍峯

倚天雙劍古今閒三尺高於四面山若使火雲燒得動
始應農器滿人間

雲

千形萬象竟還空映水藏山片復重無限旱苗枯欲盡
悠悠閒處作奇峯

金錢花

也無稜郭也無神露洗還同鑄出新青帝若教花裏用
牡丹應是得錢人

曉雞

黯黯嚴城罷鼓聲
數聲相續出寒栖
不嫌驚破紗窗夢
却怕為妖半夜啼

山中避難作

山頭烽火水邊營
鬼哭人悲夜夜聲
唯有碧天無一事
日還西下月還明

早春

新歷才將半紙開
小庭猶聚爆竿閑
偏憎楊柳難鈴轄

又惹東風意緒來

鷺鷥

裊絲翹足傍澄瀾消盡年光佇思間若使見魚無羨意
向人姿態更應閒

子規

兩恨花愁同此冤啼時聞處正春繁千聲萬血誰哀爾
爭得如花笑不言

新安官舍閒坐

寂寞空階草亂生
簾涼風動若為情
不知獨坐閒多少
看得蜘蛛結網成

除夜

事關休戚已成空
萬里相思一夜中
愁到曉鷄聲絕後
又將憔悴見春風

游魚

弄萍隈苒思夷猶
掉尾揚鬐逐慢流
應怕碧巖巖下水
浮藤如線月如鉤

鸚鵡

色白還應及雪衣
背紅毛練語仍奇
年年鎖在金籠裏
何似隴山閒處飛

偶題二首

近來靈鷲語何踈
獨凭欄干恨有殊
一夜綠荷霜剪破
賺他秋雨不成珠

水邊箕踞靜書空
欲解愁腸酒不濃
可惜青天好雷電
只能驅起懶蛟龍

惜花

東風漸急夕陽斜一樹夭桃數日花為惜紅芳今夜裏
不知和月落誰家

洞庭隱

高卧洞庭三十春
芙蓉香裏獨垂綸
莫嫌無事閒銷日
有事始憐無事人

古劍池

秋水蓮花三四枝
我來慷慨步遲遲
不決浮雲斬邪佞

直成龍去欲何為

上興元嚴僕射

歐陽詹

推車閭外主恩新今日梁州草遍春
玉色據鞍雙節下揚兵百萬路無塵

送張中丞

心誦陰符口不言風驅千騎出轅門
孫吳去後無長策誰敢留侯直下孫

觀亡友題詩處

舊友親題壁上詩
傷看綠跡不綠詞
門前猶是長安道
無復回車下筆時

題秦嶺

南下斯須隔帝鄉
北行一步掩南方
悠悠煙景兩邊意
蜀客秦人各斷腸

石曰嶺寄嚴僕射

烏企地盤地
半天下窺千仞到
浮煙因高回望沾
恩處認得梁州落日邊

經路谷見野果有闌中懸壺子呈洪孺卿洪亦闌人

青苞朱實忽離離
摘得盈筐淚更垂
上德同之豈無意
故園山路一枝枝

韋昭宅聽歌

服製虹霓鬢似雲
蕭郎屋裏上清人
等閒逐酒傾盃樂
飛盡虹梁一夜塵

聞嘉陵越鳥聲呈林蘊

正是閩中越鳥聲
幾回留聽暗沾纓
傷心激念君深淺

共有離鄉萬里情

送聞上人遊嵩山

二室峯峯昔願遊
從雲從鶴思悠悠
丹梯石路君先去
為上青冥最上頭

題僧房

草席蒲團不掃塵
松間石上似無人
羣陰欲午鐘聲動
自煮溪蔬養幻身

山中老僧

笑向來人話古時繩牀竹杖自扶持秋深頭冷不能剃
白黑蒼然髮到眉

贈魯山李明府

外戶通宵不閉關抱孫弄子萬家閒若將邑號稱賢宰
又是皇唐李魯山

泉州赴上都留別舍弟及故人

天長地闊多歧路身即飛蓬共水萍足馬將驅豈容易
弟兄親故滿離亭

送張驃騎

寶馬瑀弓金僕姑龍驤虎視出皇都
揚鞭莫怪輕邊外
曾在漁陽敵萬夫

題梨嶺

南北風煙即異方
連峯危棧倚蒼蒼
哀猿咽水偏高處
誰不沾衣望故鄉

秋夜寄僧

尚被浮名誘此身
今時誰與德為鄰
遙知是夜檀溪上

月照千峯為一人

觀送奠

何事悲酸淚滿巾
浮生共是北邙塵
他時不見北山路
死者還曾哭送人

宿建溪

籬窮一席眠
還坐蛙噪螢飛夜未央
僮僕舟人空寂寂
隔簾微月入中倉

題王明府郊亭

日日郊亭啟竹扉
論桑勸穡是常機
山城安得牛羊下
方與農人分背歸

塞上行

聞說戈兵欲利秋
昨來投筆到營州
驍雄已許將軍用
邊塞無勞天子憂

題別業

千山江上背斜暉
一徑中峯見所歸
不信扁舟回在晚
宿雲先已到茶麻

廣陵登高懷邵二

簪萸泛菊俯平阡飲過三盃却惘然十歲此辰同醉友
登高各處已三年

題延平劒潭

想象精靈欲見難通津一去水漫漫空餘昔日凌霜色
長與澄潭生畫寒

晚泊潭州

回峯疊嶂遠庭隅散點煙霜勝畫圖日暮華軒卷長箔

太清雲上對蓮壺

贈嚴兵馬使

為鴈為鴻弟與兄如鷗如鴉傑連英天旋地轉煙雲黑
共鼓長風六合清

除夜侍酒呈諸兄亦舍弟

莫歎明朝又一春相看堪共貴茲身悠悠寰宇同今夜
膝下傳盃有幾人

春日思歸

王翰

楊柳青青杏發花
年光誤客轉思家
不知湖上菱歌語
幾箇春舟在若耶

涼州詞二首

蒲萄美酒夜光杯
欲飲琵琶馬上催
醉卧沙場君莫笑
古來征戰幾人回

秦中花鳥已應闌
塞外風沙猶自寒
夜聽胡笳折楊柳
教人氣盡憶長安

馬嵬

二百年來事遠聞從龍唯解盡如雲張均兄弟今何在
却是楊妃死報君

初夏戲題

長養薰風拂曉吹漸開荷芰落薔薇青蟲也學莊周夢
化作南園蛺蝶飛

路傍草

楚甸秦原萬里平誰教根向路傍生輕蹄繡轂長相蹋
合是榮時不得榮

蝴蝶三首

不並難飛靈裏蛾有花芳處即經過
天風相送輕飄去却笑蜘蛛漫織羅

冉冉雙雙拂畫欄佳人欲繡再三看
莫欺翼短飛長近試就花間捉也難

栩栩無因繫得他野園荒徑一何多
不聞絲竹誰教舞應伏流鶯為唱歌

李夫人二首

不望金輿到錦帷
人間樂極即須悲
若言要識愁中貌
也似君恩日日衰

招得香奩爵少翁
九華燈燭曉還空
漢皇不及吳王樂
且與西施死處同

答黃校書來韻

慈恩鴈塔參差榜
杏苑鴛花次第遊
白日有愁猶可散
青山高卧況無愁

無題

買骨須求騏驎骨愛毛宜採鳳凰毛
駕駘鷺雀堪何用仍向人前價數高

宿齊山僧舍

張喬

一宿經憲望白波曉隨山月出煙蘿
若言不得南宗要長在禪牀事更多

笛

剪雨裁煙一節秋落梅楊柳曲中愁
尊前暫借殷勤看明月曾聞向隴頭

長安贈猿

掛月棲雲向楚林
取來全是為清音
誰知繫在黃金鎖
翻畏侯家不敢吟

漁者

首戴圓荷髮不梳
葉舟為宅水為居
沙頭聚首人如市
釣得澄江一丈魚

宿潺湲亭

走月流煙疊樹西
聽來愁甚聽猿啼
幾時御水聲邊住

却夢潺湲宿北溪

臺城

宮殿餘基長草花
景陽宮樹噪村鴉
雲屯雉堞依然在
空繞漁樵四五家

寄山僧二首

大道本來無所染
白雲那得有心期
遠公獨刻蓮花漏
猶向青山禮六時

閒倚蒲團向日眠
不能歸老岳雲邊
舊時僧侶無人在

唯有長松見少年

題上元許棠所任王昌齡廳

瑠璃堂裏當時客
久絕吟聲繼後塵
百四十年庭樹老
如今重得見詩人

自誚

每到花時恨道窮
一生光景半成空
只應抱璞非良玉
豈得年年不至公

贈河南詩友

山東令族玉無塵裁剪煙花筆下春不把瑤華借風月
洛陽才子更何人

寄惟揚故人

離別河邊綰柳條千山萬水玉人遙月明記得相尋處
城鎖東風十五橋

孤雲

舒卷因風何所之碧天孤影勢遲遲莫言長是無心物
還有隨龍作雨時

詠棋子贈奕僧

黑白誰能用入玄
千回生死體方圓
空門說得恒沙劫
應笑終年為一先

谷口作

巴峽青冥過嶺塵
雪崖交映一川春
晴明採藥尋源去
必恐雲深見異人

寄弟

故里行人戰後踈
青崖萍寄白雲居
那堪又是傷春日

把得長安落第書

春日有懷

高下尋花春景遲
汾陽臺榭白雲詩
看山懷古翻惆悵
未勝遙傳不到時

宿洛都門

山川馬上度邊禽
一宿都門永夜吟
客路不歸秋又晚
西風吹落落陽砧

鷓鴣絲障子

翦得機中如雪素畫為江上帶絲禽聞來相對茅堂下
引出煙波萬里心

促織

念爾無機自有情迎寒辛苦弄梭聲椒房金屋何曾識
偏向貧家壁下鳴

宴邊將

一曲涼州今不清邊風蕭颯動江城坐中有老沙場客
橫笛休吹塞上聲

閩鄉卜居

吳融

六載抽毫侍禁闈不堪多病決然歸五陵年少如相問
阿對泉頭一布衣

水調

鑿河千里走黃沙浮殿西來動日華可道新聲是亡國
且貪惆悵後庭花

野廟

古原荒廟掩莓苔何處喧喧鼓笛來日暮鳥鳴人散盡

野風吹起紙錢灰

小選

礙竹妨花一選幽攀綠應對玉峯頭若教須似康莊好
便有高車駟馬憂

楚事

悲秋應亦抵傷春屈宋當年並楚臣何事從來好時節
只將惆悵付詞人

華清宮三首

中原無鹿海無波鳳輦鸞旗出幸多今日故宮歸寂寞
太平功業在山河

四郊飛雪暗雲端唯此宮中落旋乾綠樹碧簷相掩映
無人知道外邊寒

漁陽烽火照函關玉輦忽忽下此山一曲羽衣聽不盡
至今遺恨水潺潺

上巳日

本學多情劉武威尋花傍水看春輝無端遇着傷心事

羸得淒涼索漠歸

嘲妓

崔涯

布袍披襖火燒毳紙補壁篔簹麻接絃更著一雙皮屐子
紆梯紆榻出門前

嘲李湍湍

黃昏不語不知行鼻似煙腮耳似鐺獨把象牙梳插鬢
崑崙山上月初生

重贈

覓得黃鶩鞍繡鞍善和坊裏取湍湍揚州近日渾成差
一系能行白牡丹

雜嘲二首

二年不到宋家東阿母深居僻巷中含淚向人羞不語
琵琶絃斷倚屏風

日暮迎來香閣中百年心事一宵同寒鷄鼓翼紗窗外
已覺恩情逐曉風

悼妓

赤板橋西小竹籬
槿花還似去年時
淡黃衫子渾無色
腸斷丁香畫雀兒

別妻

隴上流泉隴下分
斷腸嗚咽不堪聞
姮娥一入月宮去
巫峽千秋空白雲

竹枝二首

孫光憲

門前春水白蘋花
岸上無人小艇斜
商女經過江欲暮
散拋殘食飼神鴉

亂繩千結絆人深
越羅萬丈表長尋
楊柳在身垂意緒
藕花落盡見蓮心

楊柳枝四首

閭門風暖落花乾
飛遍江城雪不寒
獨有晚來臨水驛
閒人多凭赤欄干

有池有榭即濛濛
浸潤翻成長養功
恰似有人長點檢
著行排立向春風

根柢雖然傍濁河
無妨終日近笙歌
毵毵金帶誰堪比

還共黃鶯不較多

萬株枯槁怨亡隋似弔吳臺各自垂好是淮陰明月裏
酒樓橫笛不勝吹



萬首唐人絕句卷四十九

欽定四庫全書

集部

萬首唐人絕句卷

五十二

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷五十

宋 洪邁 編

七言

詠燈

韓偓

高在酒樓明錦幕
遠隨漁艇泊烟江
古來幽怨皆銷骨
休向長門背雨牕

遠廊

濃烟隔簾玉漏泄斜燈照燭光參差遠廊倚檻更惆悵
微雨輕寒花落時

屐子

六寸膚圓光緻緻白羅繡屐紅托裏南朝天子事風流
却重金蓮輕綠齒

想得

兩重門裏玉堂前寒食花枝月午天想得那人垂手立
嬌羞不肯上鞦韆

聞雨

香侵蔽膝夜寒輕
聞雨傷春夢不成
羅帳四垂紅燭背
玉釵敲着枕函聲

聯綴體

院宇明秋日日長
社前一鴈別遼陽
隴頭針線年年事
不喜寒砧擣斷腸

夜深

清江碧草兩悠悠
各自風流一種愁
正是落花寒食雨

夜深無伴倚空樓

哭花

曾愁香結破顏遲
今見妖紅委地時
若是有情爭不哭
夜來風雨葬西施

蜻蜓

碧玉眼睛雲母翅
輕於粉蝶瘦於蜂
坐來併拂波光舞
可是殷勤戀蓼叢

觀鬪鷄

何曾解報稻梁恩
金距花冠氣過雲
白日梟鴟無意問
唯將芥羽害同羣

船頭

兩岸綠蕪齊似剪
掩映靈山相向晚
船頭獨立望長空
日灑波光逼人眼

寄禪師

從無入有雲峯聚
已有還無電火銷
銷聚本來皆是幻
世間開口漫囂囂

已涼二首

碧闌干外繡簾垂
猩色屏風畫折枝
八尺龍鬚方錦褥
已涼天氣未寒時

秋多却訝天涼早
思倦翻嫌夜漏遲
何處山川孤館裏
向燈彎盡一雙眉

重遊曲江

鞭鞘亂拂暗傷情
蹤跡難尋露草青
猶有玉輪曾碾處
一泓秋水漲浮萍

遙見

悲歌淚濕淡燕脂
閒立風吹金縷衣
白玉堂東遙見後
令人評泊畫楊妃

新秋

一夜清風動扇愁
背時容色入新秋
桃花臉裏汪汪淚
忍到更深枕上流

宮詞

繡屏斜立正銷魂
侍女移燈掩殿門
燕子不歸花著雨

春風應自怨黃昏

踏青

踏青會散欲歸時
金車久立頻催上
收裙整髻故遲留
兩點深心各惆悵

寒食夜

惻惻輕寒剪剪風
杏花飄雪小桃紅
夜深斜搭秋千索
樓閣朦朧細雨中

鬆髻

髻根鬆慢玉釵垂指點庭花又過時坐久暗生惆悵事
映人勻却淚燕脂

夏日

庭樹新陰葉未成玉階人靜下簾聲相風不動烏龍睡
時有幽禽自喚名

江樓二首

夢啼嗚咽覺無語杳杳微微望烟浦樓空客散燕交飛
江靜帆稀日亭午

鯉魚苦笋香味新楊花酒旗三月春風光百計牽人老
爭那多情足病身

新上頭

學梳蟬鬢試新裙消息佳期在此春為愛好多心轉惑
遍將宜稱問傍人

錄舊詩有感

緝綴小詩抄卷裏尋思閒事到心頭自吟自泣無人會
腸斷蓬山第一流

中庭

夜短睡遲慵早起日高方始出
紉窻中庭自摘青梅子
先向釵頭帶一雙

蹤跡

東烏西兔似車輪却笑桑田不復論
唯有風光與蹤跡
思量長似暗銷魂

日高

朦朧猶認管絃聲
嗒嗒餘寒酒半醒
春暮日高簾半捲

落花和雨滿中庭

夕陽

花前酒淚臨寒食
醉裏回頭問夕陽
不管相思人老盡
朝朝容易下西牆

過建溪

長貪山水羨漁樵
自笑揚鞭趁早朝
今日建溪驚恐後
李將軍畫也須燒

秋雨內宴

一帶清風入畫堂
撼真珠箔碎玳瑁
更看檻外霏霏雨
似勸須交醉玉觴

僧影

山色依然僧已亡
竹間踈磬隔殘陽
智燈已滅餘香燼
猶自光明照十方

舊館

前歡往恨分明在
酒興詩情大半亡
還是墻西紫荊樹
殘花摘索映高塘

中春憶贈

年年長是阻佳期萬種恩情只自知
春色轉添惆悵望似君花發兩三枝

半睡

眉山暗淡向殘燈一半雲鬟墜枕稜
四體着人嬌欲泣自家揉損研繚綾

春恨

殘夢依依酒力餘城頭畫角半啼烏
平明未捲西樓幕

院靜時聞放鹿盧

寄恨

秦釵枉斷長條玉蜀紙空留小字紅死恨物情無會處
蓮花不肯嫁春風

閨怨

時光潛去暗淒涼懶對菱花暈曉粧初拆鞦韆人寂寞
後園青草任他長

深院

鵝兒唼唼梳黃背鳳子輕盈膩粉晉深院下簾人晝寢
紅薔薇架映芭蕉

痛憶

信知尤物必牽情一顧難酬覺命輕曾把禪機銷此病
破除纔盡又重生

忍笑

宮樣梳頭淺畫眉晚來裝飾更相宜水精鸚鵡釵頭顫
斂袂佯羞忍笑時

氣疾初愈

疾愈身輕覺數通
山無嵐瘴海無風
陰陽欲出陰精落
天地包含紫氣中

偶見二首

霧為襟袖玉為冠
半似羞人半恐寒
別易會難長自歎
轉身應取淚珠彈

桃花臉薄難藏淚
桂葉眉長易覺愁
形迹未成當面笑
幾回擡眼又低頭

密意

呵花貼鬢粘寒髮凝酥光透猩猩血經過洛水幾多人
唯有陳王見羅襪

偶見

秋千打困解羅裙指點醍醐酒一尊見客入來和笑走
手搓梅子映中門

寒食夜有寄

風流大底是張張一度相思一斷腸雲薄月昏寒食夜

隔簾微雨杏花香

歎白菊

正憐香雪披千片
忽訝殘霞覆一叢
還似妖姬長年後
酒酣雙臉却微紅

侍宴

蜂黃蝶粉兩依依
狎宴臨春日正遲
密旨不教江令醉
麗華微笑認皇慈

秋霖夜憶家

垂老何時見弟兄背燈愁泣到天明不知短髮能多少
一滴秋霖白一莖

曛黑

古木侵天日已沉露華涼冷潤衣襟江城曛黑人行絕
唯有啼鳥伴夜砧

柳二首

裏雨拖風不自持遍身無力向人垂玉纖折得遙相贈
便似觀音手裏時

一籠金線拂彎橋
幾被兒童損細腰
無奈靈和標格在
春來依舊裏長條

曉日

天際霞光入水中
水中天際一時紅
直須日觀三更後
首送金烏上碧空

醉著

萬里清江萬里天
一村桑柘一村烟
漁翁醉著無人喚
過午醒來雪滿船

家書後批

家在登州

四序風光總是愁
鬢毛衰飒涕橫流
此書未到心先到
想見孤城海岸頭

偶題

俟時輕進固相妨
實行丹心仗彼蒼
蕭艾轉肥蘭蕙瘦
可能天亦妬馨香

淨興寺杜鵑

一園紅艷醉坡陁
自地連梢簇萼羅
蜀魄未歸長滴血

祇應偏滴此叢多

翠碧鳥

天長水遠網羅希
保得重重翠羽衣
挾彈小兒多害物
勸君莫近五陵飛

贈孫尊師

齒如冰雪髮如鷲
幾百年來醉似泥
不共世人爭得失
臥床前有上天梯

寓汀州聞鄭左丞赴洛

鬢惹新霜耳舊聾
眼昏腰曲四支風
交親若要知形候
嵐瘴烟中折臂翁

荔枝三首

遐方不許貢珍奇
密詔唯教進荔枝
漢武碧桃爭比得
枉令方朔號偷兒

封開玉籠雞冠溢
葉襯金盤鶴頂鮮
想得佳人微啓齒
翠釵先取一雙懸

巧裁霞片裹神漿
崖蜜天然有異香
應是仙人金掌露

結成冰入菴羅囊

尤溪道中

水自潺湲日自斜
盡無鷄犬有鳴鴉
千村萬落如寒食
不見人烟空見花

騰騰

八年流落醉騰騰
點檢行藏喜不勝
烏帽素食兼施藥
前生多恐是醫僧

贈友人

莫嫌談笑與經過却恐閒多病亦多若遣心中無一事
不知爭奈日長何

中秋永夕奉寄楊學士

鱗差甲子漸衰遲依舊年年困亂離八月夜長鄉思切
鬢邊添得幾莖絲

清興

陰沉天氣連翩醉摘索花枝掠峭寒擁鼻遶廊吟看雨
不知遺却竹皮冠

雷公

閒人倚柱笑雷公又向深山霹怪松
必若有蘇天下意何如驚起武侯龍

野塘

侵曉乘涼偶獨來不因魚躍見萍開
卷荷忽被微風觸瀉下清香露一盃

訪隱者遇醉

曉入江村覓釣翁釣翁沉醉酒缸空
夜來風起閒花落

金少...
狼籍柴門鳥徑中

卷五十

即日

書牆暗記移花日
洗瓮先知醞酒期
須信閒人有忙事
且來衝雨覓漁師

寄鄰莊道侶

聞說經旬不啓關
藥牕誰伴醉開顏
夜來雪壓村前竹
剝見溪南幾尺山

初赴期集

輕寒着背雨淒淒九陌無塵未有泥還是平時舊滋味
漫垂鞭袖過街西

晚岸

揭起青蓬上岸頭野花和雨冷脩脩春江一夜無波浪
校得行人分外愁

仙山

一炷心香洞府開偃松皴澁半莓苔水清無底山如削
始有仙人騎鶴來

過茂陵

不悲霜露但傷春
孝理何因感兆民
景帝龍髯消息斷
異香空見李夫人

曲江秋日

斜烟縷縷鷺鷥棲
藕葉枯香折野泥
有箇高僧似圖畫
把經吟立水塘西

流年

三月傷心仍晦日
一春多病更陰天
雄豪亦有流年恨

況是離寬易黯然

寄上兄長

兩地支離路八千襟懷悵鬢蒼然亂來未必長團會
其奈而今更長年

兩賢

賣卜嚴將賣餅孫兩賢高趣恐難倫而今若有逃名者
應被品流呼差人

寶劍

困極還應有日通
難將糞土掩神蹤
但教出得豐城後
不是延津亦化龍

訪盧秀才

藥訣棊經思致論
柳腰蓮臉本忘情
頻頻強入風流坐
酒肆應疑阮步兵

商山道中

雲橫峭壁水平鋪
渡口人家日欲晡
却憶往年看粉本
始知名畫有功夫

招隱

立意忘機機已生可能朝市汙高情時人未會嚴陵志
不釣鱸魚只釣名

雨村

鴈行斜拂雨村樓簾下三更幕一鉤倚柱不知身半濕
黃昏獨自未回頭

使風

茶香睡覺心無事一卷黃庭在手中欹枕卷簾江萬里

舟人不語滿帆風

阻風

平生情趣羨漁師
此日烟江愜所思
肥鰕香杭小艫
斷腸滋味阻風時

并州

戍旗青草接榆關
雨裏并州四月寒
誰會憑欄潛忍淚
不勝天際似江干

夏夜

猛風飄電黑雲生
霎霎高林簇雨聲
夜久雨休風又定
斷雲流月却斜明

欄干

掃花雖恨夜來雨
把酒却憐晴後寒
吳質漫言愁得病
當時猶不凭欄干

驛樓

流雲溶溶水悠悠
故鄉千里空回頭
三更獨凭欄干月
淚滿關山孤驛樓

以海棠梨花一枝寄李員外

二月春風澹蕩時
旅人虛對海棠梨
不如寄與星郎去
想得朝回正畫眉

遊春引三首

張碧

句芒愛弄春風權
開萌發翠無黨偏
句芒小女精神巧
機羅杼綺滿平川

五陵年少輕薄客
蠻錦花多春袖窄
酌桂鳴金翫物華
星蹄繡轂填香陌

千條碧綠輕拖水
金毛泣怕春江死
萬彙俱含造化恩
見我春公無私理

農父

運鋤耕斲侵星起
隴畝豐盈滿家喜
到頭禾黍屬他人
不知何處拋妻子

古意

鑿輿不碾香塵滅
更殘三十六宮月
手持紈扇獨含情
秋風吹落橫波血

全唐詩話

卷五十

萬首唐人絕句卷五十

欽定四庫全書

萬首唐人絕句卷五十一

宋 洪邁 編

七言

看花

羅鄴

花開只恐看來遲及到愁如未看時家在楚鄉身在蜀
一年春色負歸期

柳絮

處處東風撲晚陽
輕輕醉粉落無香
就中堪恨隋堤上
曾惹龍舟舞鳳凰

雲

紛紛靄靄遍江湖
得路為霖豈合無
莫使悠颺只如此
帝鄉還更拔蒼梧

芳草

曲江岸上天街裏
兩地縱生車馬多
不是萋萋南浦見
晚來烟雨半相和

出都門

青門春色一花開
長到花時把酒杯
自覺無家似潮水
不知歸處去還來

水簾

萬點飛泉下白雲
似簾懸處望疑真
若將此水為霖雨
更勝長垂隔路塵

賞春

芳草和烟暖更青
閒門要路一時生
年年點檢人間事

唯有春風不世情

歎平泉春

生前幾到此亭臺
尋歎投荒去不回
若使春風會人意
花枝盡合向南開

長安春雨

兼風颯颯灑皇州
能滯輕寒與勝遊
半夜五侯池館裏
美人驚起為花愁

駕蜀回

上皇西幸却歸秦花木依然滿禁春
唯有貴妃歌舞地月明空殿鎖香塵

河湟

河湟何計絕烽烟免使征人更戍邊
盡放農桑無一事遣教知有太平年

聞子規

蜀魄千年尚怨誰聲聲啼血向花枝
滿山明月東風夜正是愁人不寐時

江帆

別離不獨恨蹄輪渡口風帆發更頻何處青樓方凭檻
半斜紅日認歸人

望仙

千金壘土望三山雲鶴無蹤羽衛還若說神仙求便得
茂陵何事在人間

放鷓鴣

好倚青山與碧谿刺桐毛竹待雙棲花時遷客傷離別

莫向相思樹上啼

宮中二首

芳草長含玉輦塵
君王遊幸此中頻
今朝別有承恩處
鸚鵡飛來說似人

雖然自小屬梨園
不識先皇玉殿門
還是當時歌舞曲
今來何處最承恩

驪山

風搖巖桂露聞香
白鹿驚時出繞牆
不向驪山鎖宮殿

可
知
仙
去
是
明
皇

梅花

繁如瑞雪壓枝開
越嶺吳溪免用栽
却是五侯家未識
春風不放過江來

鴈

早背嚴霜過戍樓
又隨寒日下河洲
江南江北多離別
忍報年年兩地愁

汴河

煬帝開河鬼亦悲
生民不獨力空疲
至今嗚咽東流水
似向清平怨昔時

渡江有感

岸落殘紅錦雉飛
渡江船上夕陽微
一枝猶負平生意
歸去何曾勝不歸

題終南山僧堂

九衢終日見南山
名利何人肯掩關
唯有吾師達真理
坐看雙樹老雲間

冬夕江上書事

一帶長谿淥浸門數聲幽鳥啄雲根松亭盡日唯空坐
難得儒翁共討論

大散嶺

過往長逢日色稀雪花如掌撲行衣嶺頭却望人來處
特地身疑是鳥飛

嘉陵江

嘉陵南岸雨初收江似秋嵐不煞流此地終朝有行客

無人一為棹扁舟

螢

水殿清風玉戶開
飛光千點去還來
無風無月長門夜
偏到堦前點綠苔

吳王古宮井二首

古宮荒井曾平後
見說耕人又鑿開
拾得玉釵鐫勅字
當時恩澤賜誰來

含青薜荔隨金甃
碧砌磷磷生綠苔
莫言數尺無波水

曾與如花並照來

黃河曉渡

大河平野正窮秋
羸馬羸僮古渡頭
昨夜蓮花峰下月
隔簾相伴到明愁

溫泉

一條春水漱莓苔
幾繞玄宗浴殿回
此水貴妃曾照影
不堪流入舊宮來

秋怨

夢斷南窓啼曉鳥
新霜昨夜下庭梧
不知簾外如珪月
還照邊城到曉無

春過白遙嶺

鳥道穿雲望峽遙
羸蹄經病在宮堯
到來山下春將半
上得林端雪未銷

歎別

北來南去幾時休
人在光陰似箭流
直待江山盡無路
始應拋得別離愁

送春

欲別東風思黯然亦知春去有明年
世間爭那人先老更對殘花一醉眠

蠟燭

暖香紅燭一時燃
緹幕初垂月落天
堪恨蘭堂別離夜
如珠似淚滴樽前

子規

羅隱

銅梁路遠草青青
此恨那堪枕上聽
一種有冤猶可報

不如銜石壘滄溟

焚書坑

千載遺蹤一窖塵
路傍耕者亦傷神
祖龍筭事渾乖角
將為詩書活得人

始皇陵

荒堆無草樹無枝
懶向行人問昔時
六國英雄漫多事
到頭徐福是男兒

浮雲

溶溶曳曳自舒張不向蒼梧即帝鄉莫道無心便無事
也曾愁殺楚襄王

早發

北去南來無定居此生計竟何如
酷憐一覺平明睡
長被雞聲惡破除

香

沉水良材食柏珍博山鑪暖玉樓
春憐君亦是無端物
貪作馨香忘却身

銅雀臺二首

強歌強舞竟難勝
花落花開淚滿纓
只合當年伴君死
免教憔悴望西陵

臺上年年掩翠娥
臺前高樹夾漳河
英雄亦到分香處
能共常人校幾多

自遣

得則高歌失却休
多愁多恨亦悠悠
今朝有酒今朝醉
明日愁來明日愁

鸚鵡

莫恨雕籠翠羽殘
江南地暖隴西寒
勸君不用分明語
語得分明出轉難

竹下殘雪

墻下濃陰對此君
小山尖險玉為犀
夜來解凍風雖急
不向寒城減一分

西施二首

家國興亡自有時
吳人何苦怨西施
西施若解傾吳國

越國亡來又是誰

讓高恭伯開基日
賢見延陵復命時
未會子孫因底事
解崇臺榭為西施

金錢花

占得佳名統樹芳
依依相伴向秋光
若教此物堪收貯
應被豪門盡斲將

梅

天賜胭脂一抹腮
盤中磊落笛中哀
雖然未得和羹便

曾與將軍止渴來

煬帝陵

入郭登橋出郭船紅樓日日柳年年君王忍把平陳業
只換雷塘數畝田

馬嵬陂

佛屋前頭野草春貴妃輕骨此為塵從來絕色知難得
不破中原未是人

隋堤柳

夾岸依依千里遙
路人回首認隋朝
春風未借宣華意
猶費工夫長柳條

孟先生墓

數步荒榛接舊蹊
寒江漠漠草萋萋
鹿門黃土無多少
恰到書生冢便低

秦紀

長策東邊極海隅
鼃鼃奔走鬼神趨
憐君未到沙丘日
肯信人間有死無

柳二首

灞岸晴來送別頻，
相偎相倚不勝春。
自家飛絮猶無定，
爭解垂絲絆路人。

一簇青烟鎖玉樓，
半垂欄畔半垂溝。
明年更有新條在，
繞亂春風卒未休。

王濬墓

男兒未必盡英雄，
俱到時來命即通。
若使吳都由王氣，
將軍何處立殊功。

京中晚望

心如野鹿跡如萍
漫向人間性一靈
往事不知多少夢
夜來和酒一時醒

偶興

逐隊隨行二十春
曲江池畔避車塵
如今贏得將衰老
閒看人間得意人

題僧院

日夜潮聲送是非
一回登眺一忘機
憐師好事無人見

不把蘭牙染褐衣

圍城偶作

東望陳留日欲曛
每因刀筆想夫君
自從郭泰碑銘後
只見黃金不見文

宿紀南驛

策蹇南游憶楚朝
陰風淅淅樹蕭蕭
不知無忌姦邪骨
又作何山野葛苗

偶題

鍾陵醉別十餘春重見雲陰掌上身我未成名君未嫁
可能俱是不如人

故都

江南江北兩風流一作迷津一拜侯至竟不如隋煬帝
破家猶得到揚州

寄竇處士二首

蘭亭醉客獨知聞欲問平安隔海雲不是金陵錢太守
世間誰肯更容身

金瓶梅詞話卷五十一
鼇背樓臺拂白榆此中槎客亦踟躕
牢山道士無仙骨
却向人間作酒徒

蜂

不論平地與山尖無恨春光盡
被占採得百花成蜜後
不知辛苦為誰甜

七夕

月帳星房次第開兩情唯恐曉光催
時人不用穿針待
役得心情送巧來

羅敷水

雉聲角角野田春
試駐征車問水濱
數樹枯桑雖不語
思量應合識秦人

嚴陵灘

中都九鼎動英髦
漁釣牛簑且遁逃
世祖升遐夫子死
原陵不及釣臺高

華清宮

樓殿層層佳氣多
開元時節好笙歌
也知道德勝堯舜

爭奈楊妃解笑何

簾二首

疊影重紋映畫堂
玉鈎銀燭共熒煌
會應得見神仙在
休下真珠十二行

翡翠佳名世共稀
玉堂高下巧相宜
殷勤為囑纖纖手
捲上銀鈎莫放垂

韋公子

擊箸狂歌慘別顏
百年人事夢魂間
李將軍自嘉聲在

不得封侯亦是閒

中秋不見月

陰雲薄暮上空虛
此夕清光已破除
只恐異時開霽後
玉輪依舊養蟾蜍

望思臺

芳草臺邊魂不歸
野烟喬木弄殘暉
可憐高祖清平業
留與閒人作是非

鷺鷥

斜陽澹澹柳陰陰風裊寒絲映水深不要向人誇潔白
也知常有羨魚心

書淮陰侯傳

寒燈挑盡見遺塵試瀝椒漿合有神莫恨高皇不終始
滅秦謀項是何人

竹

籬外清陰接藥欄晚風交戛碧琅玕子猷沒後知音少
粉節霜筠漫歲寒

中秋夜戲酬顧道士

孫蜀

不那此身偏愛月等閒看月即更深仙翁每被嫦娥使
一度逢圓一夜吟

贈薛瑤英

楊炎

雪面澹娥天上女鳳簫鸞翅欲飛去玉釵翹碧步無塵
楚腰如柳不勝春

題北方天王祠

劉山甫

壞墻風雨幾經春草色盈庭一座塵自是神明無感應

盛衰何得却由人

贈項斯

楊敬之

幾度見詩詩總好及觀標格過於詩平生不解藏人善
到處相逢說項斯

過崔處士林亭

裴迪

喬柯門裏自成陰散髮窻中曾不簪逍遙且喜從吾事
榮寵從來非我心

酬王摩詰過林亭

崔興宗

窮巷空林常閉關
悠悠獨臥對前山
今朝忽枉嵇生駕
倒屣開門遙解顏

朝退望終南山

李拯

紫宸朝罷綴鴛鸞
丹鳳樓前駐馬看
唯有終南山色在
清明依舊滿長安

長門怨

劉駕

御泉長繞鳳凰樓
只是恩波別處流
閒探舞衣歸未得
夜來砧杵六宮秋

題畫山水

楊汝士

太華峰前是故鄉
路人遙指讀書堂
如今老大騎官馬
羞向關西道姓楊

元夕

前有
二首

崔液

今年春色勝常年
此夜風光最可憐
鵲樓前新月望
鳳凰臺上寶燈燃

金勒銀鞍控紫騮
玉輪朱幃駕青牛
驂始似東城曲
倏忽還來南陌頭

公子王孫意氣驕
不論相識也相邀
最憐長袖風前弱
更賞新絃暗裏調

星移漢轉月將微
露灑烟飄燈漸稀
猶惜燈傍歌舞處
踟躕相顧不能歸

詠南嶽徑松

狄煥

一陣雨聲歸嶽嶠
兩條寒色下瀟湘
客吟晚景停孤棹
僧踏清陰徹上方

題鄜州相思鋪

令狐挺

誰把相思號此河塞垣車馬往來多只應自古征人淚
灑向空川作逝波

婢僕詩二首

李昌符

春娘愛上酒家樓不怕歸遲總不憂推道那家娘子臥
且留教住要梳頭

不論秋菊與春花箇箇能噇空腹茶無事莫教頻入庫
一名間物要些些

謁華州李相不遇

平曾

老夫三日門前立珠箔銀屏畫不開詩卷却拋書袋裏
匹如閒看華山來

江西謁所知不遇

劉魯風

萬卷書生劉魯風烟波千里謁文翁無錢乞與韓知客
名紙毛生不為通

萬首唐人絕句卷五十一